

ADDENDA NÚM. 1 AO ACORDO DE COOPERACIÓN SUBSCRITO ENTRE A CONSELLERÍA DE MEDIO AMBIENTE, TERRITORIO E VIVENDA E O CONCELLO DE TOÉN PARA A REALIZACIÓN DE OBRAS EN MATERIA DE URBANISMO

Santiago de Compostela,

Por unha banda, Ángeles Vázquez Mejuto, en nome e representación da Consellería de Medio Ambiente, Territorio e Vivenda, actuando no exercicio do seu cargo, en virtude do Decreto 112/2020, do 6 de setembro (DOG núm. 181 do 7 de setembro) e en función das atribucións que lle confire o artigo 34.10 da Lei 1/1983, do 22 de febreiro, reguladora da Xunta e da súa presidencia

Da outra, Ricardo González Gómez, alcalde do Concello de Toén, en virtude das facultades representativas que lle atribúe o artigo 61.1 da Lei 5/1997, do 22 de xullo, da administración local de Galicia.

Ambas as dúas partes actúan no exercicio dos seus respectivos cargos, coa representación legal que ostentan, e recoñécense mutuamente capacidade para se obrigaren nos termos do presente acordo de cooperación:

EXPOÑEN

I.- O día 16 de outubro de 2020 asinouse o acordo de cooperación entre a Consellería de Medio Ambiente, Territorio e Vivenda e o concello de Toén, co obxecto de acometer e incorporar ó patrimonio público municipal as obras consistentes no acondicionamento de espazo público no lugar de Mugares.

II.- Na cláusula cuarta, establécense as obrigas económicas de cada unha das partes para o financiamento das actuacións obxecto do acordo nos exercicios de 2020 e 2021, segundo o seguinte detalle:

Porcentaxes da achegas	2020	2021
Consellería de Medio Ambiente, Territorio e Vivenda (70% do custe estimado)	19.698,14 €	39.993,18 €
Concello de Toén (30% do custo estimado)	8.442,06 €	17.139,94 €
Total	85.273,32 €	



III.- Circunstancias de índole técnico e os prazos determinados para a contratación e adxudicación das obras que constitúen o obxecto do acordo, impediron a materialización das execucións previstas para o exercicio orzamentario de 2020. Isto implica a necesidade de proceder ao reaxuste das anualidades, para adecuar as dotacións económicas á realidade das execucións establecidas no mesmo ata acadar a súa finalización.

Por todo isto, procede modificar o acordo vixente para adaptar as obrigas alí establecidas, á nova realidade.

En consecuencia,

ACORDAN

Subscribir a Addenda núm. 1 ao acordo, consistente na modificación do contido da cláusula cuarta -financiamento-, para unha adecuada execución dos compromisos establecidos, quedando redactada do seguinte xeito:

CLÁUSULAS

Primeira.- Modificación da cláusula cuarta do acordo de cooperación

Cuarta.- Financiamento

Para o financiamento da actuación que constitúe o obxecto deste acordo de cooperación, cada unha das partes achegará os importes máximos na anualidade de 2021, que se indican no cadro inserido a continuación:

Porcentaxes da achegas	Importes
Consellería de Medio Ambiente, Territorio e Vivenda (70% do custe estimado)	59.691,32 €
Concello de Toén (30% do custo estimado)	25.582,00 €
_Total	85.273,32 € €



O financiamento desta actuación, por parte da Consellería de Medio Ambiente, Territorio e Vivenda efectuarase con cargo á aplicación orzamentaria 07.04.521A.607.1.

O aboamento do importe correspondente ao concello, efectuarao en favor da Xunta de Galicia, logo de asinado o presente acordo e os correspondentes contratos e unha vez que lle sexa requirido pola Dirección Xeral de Ordenación do Territorio e Urbanismo, sen que o dito importe supere a contía de cada unha das anualidades anteriormente ,indicadas e atendendo, en todo caso, ao ritmo de execución dos contratos. Calquera alteración na dita execución que implique a variación do correspondente importe determinará o reaxuste das anualidades.

Logo da adxudicación do contrato que se celebren, para a execución das actuacións necesarias para o cumprimento do obxecto do presente acordo, as baixas que de selo caso resulten, aplicaranse na proporcionalidade das achegas de cada unha das administracións intervenientes. Non obstante, para a derradeira achega que deba de efectuar o concello, deberá de terse en conta a totalidade dos aboamentos efectuados pola consellería aos contratistas adxudicatarios das execucións das actuacións obxecto do acordo, nos que se incluírán aqueles que correspondan ás certificacións finais.

Segunda.- Publicidade e rexistro

As partes asinantes desta addenda outorgan o seu consentimento expreso para que os datos persoais e o resto das especificacións que constan no citado acordo sexan publicados no Portal de Transparencia e Goberno Aberto e no Rexistro de Convenios da Xunta de Galicia, de acordo co establecido no artigo 15 da Lei 1/2016, do 18 de xaneiro, de transparencia e bo goberno, no Decreto 126/2006, do 20 de xullo, polo que se regula o Rexistro de Convenios da Xunta de Galicia, e en concordancia cos artigos 14 e seguintes da Lei 19/2013, do 9 de decembro, de transparencia, acceso á información pública e bo goberno.

Terceira.- Protección de datos de carácter persoal

As partes asinantes obríganse ao cumprimento do Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento xeral de protección de datos), da Lei orgánica 3/2018, de 5 de decembro, de protección de datos persoais e garantía dos dereitos dixitais, e demais normativa vixente de aplicación en cada momento en materia de protección de datos.





XUNTA DE GALICIA

galicia

E para que así conste, de conformidade con canto antecede, no exercicio das atribucións de que son titulares os asinantes, e obrigando con iso ás Administracións que representan, asinan dixitalmente o presente acordo na data sinalada.

Pola Xunta de Galicia
A conselleira de Medio Ambiente, Territorio e
Vivenda

Polo concello de Toén
O alcalde

Ángeles Vázquez Mejuto

Ricardo González Gómez



Xacobeo 2021 14444

